

LG Kupwara visit

لیفٹنٹ گو رنر منوج سنہا نے کپواڑہ گو دورو لایو۔ تانجے پاکستان غی طرفوں تنگدھار سیکٹر مانہہ حالیہ بلا اشتعال پہاری گو لی با ری غی وجہ نال ہوا نقصان غو اندازو لایو جاسکے۔ دورہ غے دوران لیفٹنٹ گورنر نے مقامی لوکاں نال گل کی تے انتظامیہ غی طرفوں اُنہاں نانہہ پو ری حمایت تے مدد غی یقین دھانی کرائی۔ موصوف نے کہیو جے متاثر لوکاں غی باز آبا د کا ری واسطے مرکز غی مدد حاصل کرن غی خاطر جامع منصوبو تیار کیو جا ریو ہے۔ رلیف تے باز آبا د کا ری غی کو ششاں غو جائزو لیتاں واں اُنہاں نے ضلع انتظامیہ نانہہ ہدایت کی ہے جے سرحدی باشنداں غی حفاظت یقینی بنان واسطے بنکر تعمیر مانہہ تیزی آئی جائے۔

LG Exgratia

اک اہم فیصلہ مانہہ لیفٹنٹ گو رنر منوج سنہا نے سلامتی با رے اخراجات غا سلسلہ مانہہ ایس آر ای غے تحت وفات پا جان آلا معزور ہو جان آلا تے زخمی ہو جان آلا عام شہریاں واسطے نالے سرکاری ملازماں واسطے ایکسگریشیا رلیف مانہہ بابدو کر دتو ہے۔ یوہ با بدو اُن لوکاں واسطے کیو گیو ہے جہیڑا تشدد گا نتیجہ مانہہ متاثر ویں گا۔ اس ضمن مانہہ عام شہریاں غی ہلاکت واسطے ملن آلی 1 لکھ روپیاں غی مدد بدھا غے ڈھائی لکھ روپیہ کر دتی گئی ہے۔ جد کہ مستقل معزوری غی صورت مانہہ ڈیڑھ لکھ روپیہ امداد غے طور دتا جائیں گا۔ اسے طرح سرکاری ملازماں واسطے یاہ ایکسگریشیا رقم 5 گناہ بدھائی گئی ہے۔ جہیڑی 5 لکھ روپیاں تک وے گی۔ سابق پولیس جوان نانہہ ہون فوت ہو جان غی صورت مانہہ 4 لکھ روپیہ اور مستقل طور معزور ہو جان غی صورت مانہہ ڈیڑھ لکھ روپیہ ملیں گا۔ اسے طرح گرائیں دفاعی راکھاں نانہہ موت تے مستقل معزوری غی صورت مانہہ بلترتیب ڈھائی لکھ تے ڈیڑھ لکھ روپیاں غی ایکسگریشیا مدد ملے گی۔ اس ضمن مانہہ میجسٹریٹ ڈیوٹی غے دوران موت ہو جان غی صورت مانہہ 5 لکھ روپیہ جد کہ مستقل طور معزور ہو جان غی صورت مانہہ ڈیڑھ لکھ روپیاں غی ایکسگریشیا مدد ملے گی۔

CM Raabita

عوامی رسائی جا ری رکھتاں واں وزیر اعلیٰ عمر عبداللہ نے رابطہ دفتر مانہہ بکھ بکھ وفود تے شہریاں نال ملاقات کی۔ اُنہاں نے عوامی مسائل حل کرن غا سلسلہ مانہہ اپنا واعدہ غی پھر تصدیق کی ہے۔ اخباری نمائنداں نال گل کرتاں واں وزیر اعلیٰ نے حالیہ سرحد پاروں گو لیبا ری غا متاثر لوکاں واسطے چل رہی رپیا امدادی کماں نانہہ اُجا گرکیو۔

JK Ex Service Men

اک اہم قدم مانہہ جموں کشمیر سرکار نے 4 ہزار سابق فوجیاں غی تعیناتی نانہہ منظوری دتی ہے۔ یوہ قدم تمام 20 ضلعان مانہہ بنیا دی ڈھانچہ غی حفاظت واسطے لیو گیو ہے۔ یہ فوجی بجلی گھراں تے پُلاں جیسی کلیدی تعینات غی راکھی کریں گا۔ مذکورہ سابق فوجی ضلع سینک بہبود افسراں غے تحت مقامی پولیس تے انتظامیہ نال مل غے کم کریں گا۔ ان جوانان نانہہ وردی، سازو سامان تے تربیت مہیا کرائی جائے گی۔

Rana Rajouri Visit

سرحد پاروں حالیہ تناؤ غے مد نظر جل شکتی غا وزیر جاوید احمد رانا نے سرحدی ضلع راجو ری غو دورو لایو۔ دورہ غو مقصد صورتحال اور چل رہی رلیف کوششاں غو جائزو لینو تھو۔ دورہ غے دوران موصوف نے ضلع افسراں تے چناؤ نمائنداں نال گل کی۔ جناب رانا نے زور پایو جے سرکار ویلے سر امداد مہیا کران غی واعدہ غی پابند ہے۔

Dar Farmer

ذریعی پیداوار غا وزیر جاوید احمد ڈار نے آلاؤ پورہ تے پڈگام پورہ ذریعی فارماں گو دورو لایو۔ تانجے کم کاج غو جائزو لیو جاسکے۔ نالے ذریعی ترقیات اسکیمان غی عمل آوری غو اندازو لایو جاسکے۔ دورہ غے دوران وزیر موصوف نے افسراں تے مقامی کسانان نال گل کی۔

Udhampur Amarnath perp

شری امرناتھ یا ترا 2025 غا سلسلہ مانہہ مناسب انتظامات یقینی بنان غی خاطر اک فعال قدم مانہہ اُدھم پور ضلع انتظامیہ نے ہنگامی صورتحال غے دوران یا تریاں غی رہائش واسطے وسیع تیاری شروع کر دتی ہیں۔ اس سلسلہ مانہہ ٹکری تیں چینی تک غا 52 کلو میٹر رستہ ورگُل 26 مرکز قائم کیا جاریاں ہیں۔ جھیڑا شاہراہ بند ہون یا کسے ہنگامی صورتحال مانہہ 5 ہزار تیں متا تریاں نانہہ رہائش دین غی صلاحیت رکھیں گا۔ یہ مرکز سرکاری تے نجی اداران مانہہ بنایا جائیں گا، جت بستر، پانی، بجلی تے بیت الخلاء جیسی لازمی سہولیات مہیا کرائی جائیں گی۔ اس ضمن مانہہ یا تریاں غا آرام نانہہ یقینی بنان واسطے نوڈل افسراں غی تقرری کی گئی ہے۔

Kishtwar Bakerwal comm

ڈپٹی کمشنر کشتواڑ نے مثال تے گل دستہ دے غے اُن خانہ بدوش بکروال برادری غا لوکان غو استقبال کیو۔ جھیڑا سالانہ ہجرت غا سلسلہ مانہہ اُچیری چراگاہاں درجاریاں ہیں۔ ڈی سی راجیس کمار شون نے قبائلی بہبود بارے انتظامیہ غا واعدہ نانہہ اُجاگر کیو۔ اُنہاں نے دھرتی آبا جن جاتیہ گرامین اُتکرش ابھیان بارے اُنہاں نانہہ بیدار کیو۔ جس غو مقصد قبائلی برادری نانہہ با اختیار بنانو ہے۔ ایس ایس پی کشتواڑ نریش سنگھ وی اس موقع ور موجود تھا۔